



MANDATUM RECTORIS.



OS GUIDO-ANTONIUS FOURNEAU,
RECTOR Universi Studii Parisiensis, omnibus
Gymnasiarchis, Professoribus, & Scholaribus
Academicis, SALUTEM.

NOTUM facimus, hoc Junio mense commissum iri Scholasticas Concertationes, de Præmiis Academicis ab ipsâ Universitate solemniter distribuendis, ex institutione V. Clarissimi D. LE GENDRE, Ecclesiæ Parisiensis Canonici & Succentoris; quam novâ nuper accessione adauxit Vir de re Literariâ præclare meritus, M. CAROLUS COFFIN, antiquus Academiæ nostræ Rector, Collegii Dormano-Bellovacii Primarius. Ad eas autem Concertationes admittetur nemo, nisi qui saltem ab ipso sacre Quadragesimæ initio, in aliquo Academiæ nostræ Collegio Lectiones publicas exceperit. Eam in rem singuli tum Rhetoricæ, tum Secundi, tum Tertii Ordinis Professores, seligent ex Discipulis suis optimos, id est, qui in eo scribendi genere, quo certandum erit, ad sextum



saltem Ordinis sui locum hoc ipso anno pervenerint in *Rhetoricâ* ; in *Secundâ* verò ac *Tertiâ* Scholâ , qui quartum ad minimum fuerint affecuti. Horum nomina in schedulâ describent , eamque à se subsignatam biduo ante singulos dies Con-
certationibus assignatos ad Nos deferri curabunt. Quorum
quidem dierum hic erit ordo :

M E N S E J U N I O.

RHETORES.	{	Die Mercurii 19	Orationem Græcam in Latinam vertent.
		Mercurii 26	Carmen Latinè scribent.
SECUNDANI.	{	Veneris 21	Orationem Græcam vertent in Latinam.
		Jovis 27	Latinam in Gallicam vertent.
TERTIANI.	{	Martis 25	Orationem Græcam vertent in Latinam.
		Veneris 28	Latinam in Gallicam vertent.

M E N S E J U L I O.

RHETORES.	{	Lunæ 1	Orationem scribent Gallicè.
		Mercurii 3	Orationem scribent Latinè.
SECUNDANI.	{	Martis 2	Carmen Latinè scribent.
		Jovis 4	Orationem Latinam in Gallicam vertent.
TERTIANI.	{	Veneris 5	Orationem Gallicam in Latinam vertent.

Iis diebus , Academici Juvenes à Professoribus suis , ut suprà dictum est , designati , horâ ipsâ septimâ matutinâ , apud Ma-
thurinenses aderunt. Ibi postquam omnes simul Sacris inter-
fuerint , in Litterarii certaminis locum à selectis Magistris ,
nostro & Universitatis nomine delegatis , deducuntur.

ITA , de Consilii nostri sententiâ , ediximus , in *Ædibus* nostris
GRASSINÆIS , die Sabbati primo mensis Junii , anno Domini
millesimo septingentesimo quinquagesimo-quarto.

Ex Typographiâ THIBOUST , REGIS , nec-non Academiæ Parisiensis
Typographi , in Plateâ Cameracensi.